

影印
文淵閣

四庫全書

影印

文淵閣四庫全書

第九十九冊

北京出版集團公司
北京出版社

本冊目次

欽定周官義疏(二)

清 乾隆十三年敕撰……一

欽定四庫全書

經部

欽定周官義疏卷二十五
六

詳校官監察御史臣施朝幹

刑部郎中臣許兆椿覆勘

覆校官監丞臣侍朝

校對官監丞臣張曾炳

謄錄貢生臣張丹崑

欽定四庫全書

欽定周官義疏卷二十五

春官宗伯第三之九

大祝掌六祝之辭以事鬼神示祈福祥求永貞一曰順
祝二曰年祝三曰吉祝四曰化祝五曰瑞祝六曰筮祝
正義鄭氏康成曰永長也貞正也求多福歷年得正
命也王氏昭禹曰天所祐為福福所兆為祥

案先王望祀不求其福而周公之作祝辭乃以祈福
欽定四庫全書
欽定周官義疏
卷二十五

祥求永貞為義何也天之命哲命吉凶命歷年皆視
人君之所服行使王對越天地宗廟百神凜然懼於
不終而知自求多福在常守正道則所以警王心而
輔正其德者多矣

存疑鄭氏衆曰順祝順豐年也年祝求永貞也吉祝
祈福祥也化祝彌災兵也瑞祝逆時雨寧風旱也筮
祝遠罪疾也

辨正劉氏彝曰先鄭以小祝小祭祀侯禳之事解六

辭非也大祝所祝皆大事也故郊祀天地社稷宗廟
六享始用大祝之六辭 歐陽氏謙之曰年祝如祈
穀於上帝與社稷瑞祝祥瑞之祝辭古人得祥瑞必
歸功於神也

案年祝瑞祝歐陽氏謙之得之餘俱未安以義測之
順祝天地宗廟之常祝也祭統備者百順之名禮運
禮時為大順次之天地之祭宗廟之事順也年祝祈
年之祝也吉祝如吉禮卜日之祝是也化祝天地有

欽定四庫全書

欽定周官義疏
卷二十五

三

異哉而祝其消化也瑞祝嘉祥見而告於天地宗廟
也筴祝如金縢冊祝既祝而藏其冊者是也

掌六祈以同鬼神元一曰類二曰造三曰禴四曰縈五

曰攻六曰說造七報反檣威古外反劉音會縈音詠說
書悅反注故書造為縈杜子春請為造書

亦為

正義鄭氏康成曰祈嗥也謂為有災變號呼告於神

以求福賈疏小祝職掌禱祠之祝號
故知此六祈亦號呼以告神天神人鬼地示

不和則六癘作見賈疏案五行傳貌之不恭惟金沴
木視之不明惟水沴火言之不從

惟火沴金聽之不聰惟土沴水思之不肅惟金木水
火沴土五行而沴有六者除本五外來沴已則六彼
云沴此云癘者沴有六則
癘鬼作見故變沴而言癘故以祈禮同之杜子春云

造祭于祖也鄭司農云類造禴縈攻說皆祭名也類

祭于上帝縈日月星辰山川之祭也春秋傳日月星

辰之神則雪霜風雨之不時於是乎縈之山川之神

則水旱癘疫之災於是乎縈之賈疏見昭
元年左傳某謂類造

加誠肅求如志禴縈告之以時有災變也賈疏縈是
除去之意

故知為 攻說則以辭責之縈如日食以朱絲縈社賈疏
災變

欽定四庫全書

欽定周官義疏
卷二十五

三

莊二十五年六月辛未朔日有食之鼓用牲於社公
羊傳日有食之則曷為鼓用牲於社求乎陰之道也

以朱絲縈社或曰脅之或曰為闔恐人犯攻如其鳴
之故縈之何休云朱絲縈之助陽抑陰也

鼓然董仲舒救日食祝曰炤炤大明熾滅無光柰何

以陰侵陽以卑侵尊是之謂說也禴未聞焉類造禴

縈皆有牲攻說用幣而已賈疏攻說是日食伐鼓之
屬天災有幣無牲故知用

幣類禮亦天災得有牲者灾始見時有幣無牲及灾
成之後即有牲故詩云靡愛斯牲 案攻說以責神

無為用牲而仍用幣者以禮 王氏昭禹曰鬼神聰明
責之亦不可不致其肅敬

正直依人而行聖人與鬼神合其吉凶大祝之六祈

所以陳信於鬼神而祈其與人同也虞書類于上帝
王制天子將出造於禰禴若禴國之凶荒民之札喪
之屬崇若春秋祭崇之屬攻以治去其害若翦氏以
攻崇攻之之屬以辭責之之謂說若庶氏以攻說禴
之之屬皆以與民同吉凶之患 項氏安世曰六祝
所以求福六祈所以禳禍 劉氏彝曰六祝因祭享
而祝之六祈則因事特祭而祈之

欽定四庫全書

欽定周官義疏
卷二十五

四

案鬼神不與人同心災厲乃見故以祈禮同之非時
而祭上帝曰類非時而祭祖禰曰造攻如救日伐鼓
以兵之類說謂以辭責之如變置社稷必責以辭
存疑鄭氏衆曰詩曰是類是禡爾雅曰是類是禡師
祭也大師造于祖司馬法曰乃造於先王

辨正賈氏公彥曰先鄭引詩及爾雅以證此類造為
出軍之祭後鄭不從者此經六祈皆為鬼神不和同
不得以出軍之禮解

案大師大會同之類造後皆特見故知此類造乃以

同鬼神亦祈消災變而所用之事異也

作六辭以通上下親疏遠近一曰祠二曰命三曰誥四

曰會五曰禱六曰誅

會如字

正義鄭氏鍔曰命如命龜之命記曰假爾泰龜有常
假爾泰筮有常是乃所以命之也 杜氏子春曰誥
當為告書亦或為告 毛氏應龍曰告如武成告于

皇天后土金縢乃告大王王季文王是也 鄭氏康

成曰會謂會同盟誓之辭 鄭氏衆曰禱謂禱於天

欽定四庫全書

欽定周官義疏
卷二十五

五

地社稷宗廟春秋傳鐵之戰衛大子禱曰曾孫蒯瞶

敢昭告皇祖文王烈祖康叔文祖襄公

賈疏見哀二年左傳若

此之屬誅謂積累生時德行以錫之命春秋傳孔子

卒哀公誅之曰閔天不淑不慙遺一老俾屏余一人

以在位嬛嬛予在疚嗚呼哀哉尼父無自律

賈疏見哀十六

年左傳或曰論語所謂誅曰禱爾於上下神祇

案六祝之辭典祀所常用也此作六辭因事而特告

也上下天神地祇也親疎由禰至親盡也遠近四望

五祀之類祠因事舉祭告神之祝辭也誥會亦質神之辭誥者尚書逸祝冊告周公其後是也會者昭衆神而要言春秋傳所謂司慎司盟名山名川羣神羣祀先王先公七姓十二國之祖明神殛之是也誅者至於南郊稱天而誅之

存疑鄭氏衆曰祠當為辭謂辭令也命論語所謂為命誥謂康誥盤庚之誥之屬會謂王官之伯命事於會

欽定四庫全書

欽定周官義疏
卷二十五

六

辨正王氏應電曰六辭皆告於鬼神亦故大祝主之曰誥曰命曰禱人事雖亦有之然策命掌於內史誓誥掌於士師非大祝職也

辨六號一曰神號二曰鬼號三曰示號四曰牲號五曰齋號六曰幣號

正義鄭氏康成曰號謂尊其名更為美稱焉神號若云皇天上帝鬼號若云皇祖伯某

示號若云后土地示賈疏傳十五年左傳君履后土而戴皇天幣號若王

云嘉玉幣云量幣賈疏曲禮文經無玉號注兼言玉者案小行人合六幣圭以馬璋以

皮玉得與幣同鄭氏衆曰牲號謂犧牲名號曲禮牛曰一元大武豕曰剛鬣羊曰柔毛雞曰翰音齋號謂黍稷名號曲禮黍曰薌合梁曰薌其稻曰嘉蔬少牢饋食禮敢用柔毛剛鬣士虞禮敢用潔牲剛鬣香合

辨九祭一曰命祭二曰衍祭三曰炮祭四曰周祭五曰振祭六曰擣祭七曰絕祭八曰繚祭九曰共祭行讀作延炮讀

欽定四庫全書

欽定周官義疏
卷二十五

七

作包百文反劉白交反擣如泉反繚音了共供同

正義鄭氏衆曰擣祭以肝肺道擣鹽醢中以祭也賈疏

案特牲少牢墮祭之時皆以道擣醢中以祭主人獻尸時賓長以肝從尸以肝擣鹽中以祭彼無云用肺連引之耳繚祭以手從持肺本循之至於末乃絕

以祭也賈疏此據鄉飲酒言絕祭不循其本直絕肺以祭也重

肺賤肝故初祭絕肺以祭謂之絕祭鄉射禮取肺坐絕祭鄉飲酒禮右取肺卻左手執本坐弗繚右絕末

以祭少牢取肝擣於鹽振祭鄭氏康成曰九祭皆

謂祭食者命祭者王藻君若賜之食而君客之則命

之祭然後祭是也衍當為延炮當為包聲之誤也延

祭者曲禮客若降等執食興辭主人興辭於客然後

客坐主人延客祭是也包猶兼也兼祭者有司徹宰

夫贊者取白黑以授尸賈疏有司徹注尸受兼祭於

豆祭是也周猶徧也徧祭者曲禮穀之序徧祭之是

也賈疏凡祭者皆盛主人之饌故所設徹羞次第徧祭按公食大夫禮惟魚腊醢醬不祭以其薄故也

其餘皆祭故振祭謂之周祭振祭振祭本同皆振但振者先振復振

欽定四庫全書

欽定周官義疏 卷二十五

振者不食者振則祭之賈疏特牲少牢皆有按祭按

祭者振則祭之將食者既振必振乃祭也賈疏特牲

主人獻尸賓長以肝從尸右取肝振於鹽絕祭祭

亦本同賈疏同者絕之但絕者不禮多者祭之賈疏

飲酒禮即先鄭所引禮畧者絕則祭之賈疏即先鄭

取肺坐絕共猶授也王祭食宰夫授祭賈疏膳夫職

言宰夫者據諸侯是宰夫先鄭以周祭已上皆為

祭鬼神之事振祭已下皆為生人祭食之禮後鄭不

從者生人祭食不合與鬼神

案注義皆引經以證之是已今更推廣之男巫望衍

有招以茅則衍可為延也包之言兼則間傳輕者包

重者特是也命祭延祭見於玉藻曲禮又士虞禮祝

命佐食綏祭特牲饋食禮尸坐祝命綏祭亦命祭也

兼祭見於特牲少牢而公食大夫禮亦兼祭庶羞徧

祭見於曲禮而少牢十一飯所舉皆祭無不徧也少

牢二佐食次第取敦實俎實以授尸亦是共祭但士

虞特牲及少牢禮舉幹舉肩言振祭而不言振是振

欽定四庫全書

欽定周官義疏 卷二十五

原有不振者注專以肝之既振復振言似未盡又肺

有二種曰祭肺曰舉肺祭肺則已絕者直祭之而已

舉肺則少儀所云三牲之肺離而不提心者必繚而

絕之乃可以祭絕祭繚祭之別蓋在於此非禮多禮

畧之謂而鄉飲鄉射皆言祭舉肺之灋亦未見其有

異也

辨九擗一曰喁首二曰頰首三曰空首四曰振動五曰

吉擗六曰凶擗七曰奇擗八曰褒擗九曰肅擗以享右

祭祀

據古拜字韻音啟本又作稽奇居宜反寢音報右讀為脩

正義鄭氏康成曰稽首拜頭至地也頓首拜頭叩地

也空首拜頭至手所謂拜手也賈疏稽首頓首空首三者相因而為之空

首者先以兩手拱至地乃頭至手以頭不至地故名空首為空首之時引頭至地首頓地即舉故名頓首

頭稽留至地多吉拜拜而後稽顙謂齊衰不杖以下

賈疏稽顙還頓首但觸地無容耳齊衰已下喪者拜而云吉者以杖齊衰入凶拜中也離記父在為

妻不杖不稽顙明知父歿為妻杖而稽顙是以知此吉拜謂齊衰不杖已下言吉者此殷

之凶拜周以其拜與頓首相近故謂之吉拜也凶拜

欽定四庫全書

欽定周官義疏
卷二十五

稽顙而後拜謂三年服者賈疏稽顙而後稽顙類乎其至也離記三年之喪以其喪拜非三年之喪以

吉拜離記父在為妻不杖不稽顙蓋適子妻喪父為

主故不稽顙則衆子為妻父在亦稽顙鄭大夫云奇

拜謂一拜也寢讀為報報拜再拜也鄭司農云肅拜

但俯下手今時禮是也賈疏鄉飲酒禮賓客入門有

曰介者不拜故曰為事故敢肅使者賈疏成公十六

於鄢陵楚子使工尹襄問郤至以弓郤至見客免胄

承命云不敢拜命三肅使者而退是軍中有肅拜法

某謂振動戰栗變動之拜一拜答臣下拜賈疏此據

禮則君答再拜拜神與尸賈疏案特牲禮祝酌奠於

臣有再拜再拜拜神與尸再拜於神也再拜於尸謂獻尸尸拜

受主人拜送是也天子諸侯亦當然賈氏公彥曰

九拜之中稽首頓首空首肅拜是正拜餘五者逐事

生名還依四者正拜為之稽首拜中最重臣拜君之

拜頓首平敵自相拜之拜空首君答臣下之拜知者

案哀公十七年左傳公會齊侯盟於蒙孟武伯相齊

侯稽首公則拜齊人怒武伯曰非天子寡君無所稽

欽定四庫全書

欽定周官義疏
卷二十五

曰天子在而君辱稽首寡君懼矣郊特牲大夫之臣

不稽首非尊家臣以辟君也君拜臣下當空首其有

敬事亦稽首洛誥成王拜手稽首以答周公是也肅

拜最輕惟軍中有此婦人則以肅拜為正 易氏祓

曰荀卿云平衡曰拜下衡曰稽首禮非至尊不稽首

喪非至哀不稽顙然君亦有稽首於其臣者太甲之

於伊尹成王之於周公尊師道也大夫士有非其君

而稽首者儀禮君勞賓若介皆再拜稽首尊主君也

其次則頓首晉穆嬴頓首於趙宣子魯季平子頓首
於叔孫則敵已下皆用之振動蓋施於事變之不常
者耳吉拜致敬凶拜則致哀也奇拜者鄉飲射聘士
相見凡禮之殺者皆一拜是也褒拜者特牲少牢饗
神與受尸嘏則再拜是也肅拜者但俯其手而肅之
少儀婦人雖君賜肅拜是也享獻也謂朝獻饋獻右
讀為侑侑勸尸食而拜賈疏特牲禮尸食祝侑主
人拜故知侑尸時有拜
案古人之拱兩手皆不平故有尚左尚右之異凡男

欽定四庫全書

欽定周官義疏
卷二十五

十三

拜尚左手女拜尚右手則拜者下一手先至地而上
一手後至乃交也喪拜則男子尚右手婦人尚左手
檀弓言拜而后稽顙稽顙而后拜有此二法而聖人
云吾從其至者則凶拜當先稽顙后拜矣然士喪禮
及喪大記皆云拜稽顙無言稽顙拜者則聖人所欲
從者蓋非常時之達禮也雜記云三年之喪以其喪
拜非三年者以吉拜與此經凶拜吉拜一也以其喪
拜謂稽顙也以吉拜謂不稽顙也如婦主舅姑之喪

與凡男婦之攝主皆吉拜不稽顙喪服小記雜記皆
足以徵之吉拜不稽顙則唯男子尚右手女子尚左
手以是異於祭祀賓嘉諸禮之拜而已注但據一隅
而於他經未合故論之經云享右祭祀舉其重者爾
其實五禮皆該焉

凡大禋祀肆享祭亦則執明水火而號祝

注故書示為
禋杜子春云

禘當
為示

正義鄭氏康成曰明水火司烜所共日月之氣以給

欽定四庫全書

欽定周官義疏
卷二十五

十三

烝享

賈疏司烜職以夫遂取明火於日以鑒取明水
於月雖不云氣然由日月之氣所照得之故以

氣執之而以六號祝明此圭潔也

賈疏明主人
主潔之德禋祀

祭天神也肆享祭宗廟也 劉氏敞曰大禋祀祀天

園丘肆享宗廟大禘祫祭亦祭地方澤

案號祝舉神示之號以祝也號如皇天上帝皇祖后

稷之類特牲禮曰皇祖某子少牢禮曰皇祖伯某亦

是

隋釁逆牲逆尸令鍾鼓右亦如之

隋許
規反

正義鄭氏康成曰凡血祭曰饗賈疏血祭之中含上三祀但天地薦血於

座前宗廟即既隨饗後言逆牲容逆鼎賈疏凡祭祀血以告殺既隨饗後言逆牲容逆鼎之法先逆牲

後隨饗令隨饗在前逆牲在後者以其鼎在門外薦血後乃燭熟逆鼎而入故云容逆鼎知鼎在門外者

按中雷禮竈在廟門右讀亦當為侑

案隋當為隋祭隨饗與侑皆令鍾鼓大祝先令之大

司樂承而令之此節經文疑有訛倒

通論陳氏暘曰逆牲逆尸之時令奏昭夏肆夏者大

司樂其令以鍾鼓奏之者大祝也

欽定四庫全書
欽定周官義疏
卷二十五
十四

來瞽令皋舞相尸禮既祭令徹皋讀作喙尸高反劉

正義鄭氏康成曰皋讀為卒嗥呼之嗥賈疏此依俗讀來嗥

者皆謂呼之入相尸者延其出入詔其坐作賈疏出者謂

祭初延之入二禮訖退出坐於堂上南面朝踐饋獻訖又延之入室坐作者郊特牲云詔祝於室坐尸於

堂饋獻訖又入室坐凡坐皆有作賈氏公彥曰舞

謂學子舞人祭訖尸謾後大祝命徹祭器

案歌與舞必依祭節故大祝告以樂入之節而後樂

師詔來瞽大祝告以舞之節而後樂師詔皋舞也

大喪始崩以肆鬯泚尸相飯贊斂徹奠泚綿里反相息亮反飯扶晚反

斂力
驗反

正義鄭氏康成曰肆鬯陳尸設鬯也 鄭氏衆曰泚

尸以鬯浴尸 賈氏公彥曰浴訖即飯含故言相飯

不言相含者大宰贊贈玉含玉故也贊斂者冬官主

斂事大祝贊之

案大泚小宗伯大祝皆掌之然小宗伯職曰大肆以

秬鬯泚則治其禮之辭也此職曰以秬鬯泚尸則親

欽定四庫全書
欽定周官義疏
卷二十五
十五

其事之辭也又小祝以同官而贊泚則親其事者非

小宗伯並明矣 小宗伯職曰大肆則當以陳尸及

浴器言此曰以肆鬯泚尸則肆專言浴器 曰徹曰

奠徹而又奠也自始死之奠以及襲奠小斂大斂奠

并朝夕之奠皆徹前奠而後陳新奠其徹與奠並大

祝為之

言向人讀禱付練祥掌國事付音

正義鄭氏康成曰言猶語也禱六辭之屬禱也賈疏六辭

之中五 甸人喪事代王受青災大祝為禱辭語之使

以禱於藉田之神也付當為祔祭於先王以祔後死

者賈疏喪服小記祔必以其昭穆先王祖也掌國事辨護之賈疏辨護者供時用相禮

儀 賈氏公彥曰祔謂虞卒哭後祔祭於祖廟練謂

十三月小祥練祭祥謂二十五月大祥除衰杖三者

皆國事 朱子曰祔於祖者以廟制昭穆相對將來

遷廟則以新死者安於祖廟所以設祔祭豫告使死

者知其將來安於此位亦令其祖知將來移上而孫

欽定四庫全書

欽定周官義疏
卷二十五

十六

來居此位也 方祔祭時是告其祖以將遷他廟告

新死者以將入祖廟之意已祭則主復於寢至三年

之喪畢則又祫祭而遷祖父之主以入他廟奉新死

者之主以入祖廟則祔與遷自是兩事也

國有大故天裁彌祀社稷禱祠

正義鄭氏康成曰大故兵寇也天裁疫癘水旱也彌

猶徧也徧祀社稷及諸所禱賈疏小祀彌裁兵注以彌為安此彌為徧者禱

祠之事靡神不舉故以彌為徧也 既則祠之以報焉 賈氏公彥曰

始為曰禱得求曰祠

大師宜于社造于祖設軍社類上帝國將有事于四望

及軍歸獻于社則前祀

正義鄭氏衆曰設軍社春秋傳所謂君以師行祓社

釁鼓祝奉以從者也賈疏見定公四年左傳 鄭氏康成曰前

祀者王出也歸也將有事於此神大祝居前先以祝

辭告之 賈氏公彥曰有事於四望謂軍行所過山

川造祭乃過軍歸獻捷於社皆大祝前辭

欽定四庫全書

欽定周官義疏
卷二十五

十七

案前四事皆君舉而祝從惟至所征之地將有事於

四望及軍歸獻社則大祝獨前行致告也曰國將有

事者君不親也知然者宗伯職有司將事於四望則

君不親明矣下經過大山川則用事焉君親之也故

異文焉 小宗伯帥有司而立軍社奉主車軍社則

大祝設之主車則肆師奉之小宗伯帥之而已 用

師之地未必正當四望小宗伯職有司將事於四望

謂大祝與肆師也祭兵於山川肆師為位則大祝前

祝繼之以將事者必肆師明矣

大會同造于廟宜于社過大山川則用事焉反行舍奠

含請作釋
一音赦

正義鄭氏康成曰用事亦用祭事告行也玉人職有

宗祝以黃金勺前馬之禮是謂過大山川與曾子問

凡告必用牲幣反亦如之賈氏公彥曰曲禮出必

告反必面生時人子出入之法今王出行時造於廟

反行則還奠七廟也非時而祭曰奠堯典歸格于藝

欽定四庫全書

欽定周官義疏
卷二十五

祖王制歸假于祖禰用特陳氏祥道曰釋奠者設

薦饌酌奠而已無迎尸以下事

案據此則大會同不專在王國之外而王亦往就羣

侯而會焉足以明之矣

建邦國先告后土用牲幣

正義鄭氏康成曰后土社神也賈氏公彥曰雖告

祭非常有牲有幣禮動不虛故也

通論王氏昭禹曰大宗伯王大封先告后土不言用

牲幣而於大祝見之者以大祝辨牲幣之號也

禁督逆祀命者

正義鄭氏康成曰督正也正王之所命諸侯之所祀

賈疏承上建邦國故知據諸侯有逆者則刑罰焉賈疏告上治之王氏安

石曰命之祀而弗祀非所命而祀皆謂之逆祀命

王氏昭禹曰非所命而祀則在所禁命之祀而弗祀

則在所督也

頒祭號于邦國都鄙

欽定四庫全書

欽定周官義疏
卷二十五

正義鄭氏康成曰祭號六號賈疏六號中兼有天地諸侯不得祭天地而云

六號據上成文而言王氏安石曰頒其所得用之祭號

通論易氏祓曰此皆所以贊大宗伯也大宗伯告后

土大祝辨牲幣之號則為之用牲幣大宗伯頒祀於

邦國都家大祝辨鬼神祔之號則為之禁督逆祀命

者

小祝掌小祭祀將事侯禋禘祠之祝號以祈福祥順豐

年逆時雨寧風旱彌裁兵遠臯疾彌注讀作救綿以反遠於願反

正義鄭氏康成曰侯之言候也候嘉慶祈福祥之屬

賈疏祈福祥三者皆是侯禳禳卻凶咎寧風旱之屬
賈疏寧風旱三者皆是禳

逆迎也彌讀曰救救安也 賈氏公彥曰求福謂之

禱報賽謂之祠 劉氏彝曰天地宗廟日月星辰社

稷而外當祭祀之者皆小祝所掌也

案將事謂將號祝之事如下文也大祭祀則大祝將

事此互文亦省文 周官於侯禳禱祠之事甚詳蓋

人心冥頑惟遇疾病裁危窮而反本易警發其善心

欽定四庫全書

欽定周官義疏
卷二十五

二十一

故聖人因侯禳禱祠使恐懼脩省以思救政則所益

多矣 豐穰之後仍祈有年是之謂順旱則多風以

雲氣將族風輒散之風寧然後雨可降旱可寧也春

秋傳若之何憂猶未弭又欲弭諸侯之兵止息之義

也男巫職招弭以除疾病注讀彌弭為救豈彌弭救

古皆可通與

大祭祀逆齋盛送逆尸沃尸盥

正義王氏應電曰記曰尸在廟門外則疑於臣在廟

中則全於君君在廟門外則疑於君入廟門則全於

臣全於子故君迎牲而不迎尸送逆尸皆小祝主之

賈氏公彥曰沃尸盥者尸尊不就洗按特牲少牢

尸入廟門盥於盤其時小祝沃水也

案小宗伯所逆者未炊之齋小祝所逆者則已孰而

實於簋簋者也舍人實而陳於西堂之上小祝自堂

下逆而升之疏謂小祝薦齋盛於神座前非也 特

牲禮黍稷始陳於西堂則舍人奉粢盛入廟亦宜陳

欽定四庫全書

欽定周官義疏
卷二十五

二十二

於西堂少牢禮佐食設俎後主婦自東房執一金敦

黍設於室中則后宜自房中出九嬪一人取一玉齋

於西堂以授后而入設其餘則九嬪贊后外宗贊九

嬪以次授受而后皆親設焉如后不與則大宗伯攝

也其大神大元則大宗伯奉之而小宗伯佐之 王

氏昭禹易氏祓皆謂齋盛輕於牲故大祝迎牲小祝

迎盛王氏又證以六官奉牲六官奉齋皆非也王親

射牲故六官奉之后親羞齋故六官共之事分內外

非有輕重比類以求之同是尸也二祝同逆而送者
惟小祝豈得謂送輕於逆乎蓋大祝事多有所不暇
故小祝各共之耳

贊隋許
規反

正義鄭氏康成曰隋尸之祭也 賈氏公考曰贊隋
者特牲少牢尸始入室拜妥尸尸隋祭以韭菹孺於
醢祭於豆間其時小祝贊尸以授之

贊徹贊奠

欽定四庫全書

欽定周官義疏
卷二十五

三

案此四字當在大喪贊淠之下簡錯在此大喪之奠
與徹大祝掌之小祝並贊之也

凡事佐大祝

正義鄭氏康成曰惟大祝所有事 賈氏公考曰佐
大祝不在職末言之者見自此以上佐大祝自此以
下惟贊淠佐大祝設熬以下小祝專行

大喪贊淠設熬注故書淠為攝杜子春云
當為淠銘今書或作名

正義杜氏子春曰淠謂浴尸 鄭氏康成曰熬者棺

既蓋設於其旁所以惑蚍蜉也賈疏熬謂熬穀喪大記熬君

四種八筐賈疏黍稷稻粱各二大夫三種六筐賈疏黍稷粱各二士二

種四筐加魚腊焉賈疏加魚腊君大夫士同士喪禮熬黍稷各二

筐有魚腊饌於西北南賈疏站用時加之蓋後設於棺旁

又曰設熬有賈疏士有各一筐首足各一一筐乃塗賈疏大夫有各二筐首足各一

筐君左右各二筐首足各二筐杜氏子春曰檀弓銘明旌也以死

者為不可別故以其旗識之愛之斯錄之矣敬之斯

盡其道焉爾 鄭氏衆曰銘書死者名於旌士喪禮

欽定四庫全書

欽定周官義疏
卷二十五

三

為銘各以其物賈疏其物謂生時旌旗士喪禮注王

建亡則以緇長半幅賈疏亡無也生時無旌旗末賈疏末子男之士不命是也故用

緇長半幅爾雅一八赤汁謂之長終賈疏喪服小記天子諸幅廣三寸書名

於末曰某氏某之匱賈疏喪服小記天子諸竹杠長

三尺置于宇西階上賈疏始死即作銘倚於重重木

置于中庭賈疏始死以木為參分庭一在南粥餘飯

賈疏飯米之盛以二鬲縣於重簾用葦席取銘置於

重賈疏謂未殯以前殯訖則置于西階上是也

案小宗伯肆師鬱人鬯人大祝小祝皆掌大喪之泚
而其文各異何也大喪兼王后世子而鬯乃所以事
天神地示人鬼惟王主鬯故喪浴用之而后世子不
得用也小宗伯職特言王崩大肆以秬鬯泚明自王
以外泚皆不得用鬯也肆師職曰大喪大泚以鬯則
築鬻明泚不以鬯則雖大喪不共築鬻也鬱人職曰
大喪之泚共其肆器則知后世子之泚不得用鬯矣
鬯人職曰大喪之大泚共其鬻鬯則知非王之泚不
得稱大而鬻尸不以鬯矣大祝職曰大喪始崩以肆
鬯泚尸則知此職之大喪專謂王而不兼后世子矣

欽定四庫全書

欽定周官義疏
卷二十五

二五

世子不得稱崩后之喪浴女御掌之小祝職曰大喪贊泚則知世子之

泚亦大祝親之而小祝贊之矣大祝之特言崩與小
宗伯同以王之喪浴大祝親其事而小宗伯治其禮
也小祝不稱大泚與鬱人同明泚不以鬯不得稱大
而世子之泚兼掌於祝亦見矣

及葬設道齋之奠分禱五祀

齊音

正義鄭氏康成曰齋猶送也送道之奠謂遣奠也

賈疏

既夕禮祖廟之庭厥明設大遣奠包牲取下體是也分禱五祀告王去此宮中

不復反故興祭祀也 賈氏公彥曰月令春祀戶夏

祀竈季夏祀中霤秋祀門冬祀行出入亦宜告之祭

法王七祀中有司命大厲月令不祭此亦不祭可知

存疑鄭氏康成曰分其牲體以祭五祀

案生人行道必有齋故於葬曰道齋之奠分禱謂遣

人分祭若以遣奠餘牲則幾於慢矣未必然

欽定四庫全書

欽定周官義疏
卷二十五

二五

辨正賈氏公彥曰杜子春讀齋為粢以為道中祭後

鄭不從者既夕禮道中無祭法

大師掌釁祈號祝

正義鄭氏衆曰釁謂釁鼓也春秋傳君以軍行被社

釁鼓祝奉以從

賈疏定公四年左傳祝佗解

有寇戎之事則保郊祀于社

注故書祀或作禋杜子春讀為祀書亦或為祀

正義鄭氏康成曰保祀互文郊社皆守而祀之彌裁

兵 鄭氏鍔曰四郊兆域皆神之所處人心不安神

或失所依故就其所保而守之以安神也社則國內但祀以彌裁兵可也

凡外內小祭祀小喪紀小會同小軍旅掌事焉

正義賈氏公彥曰林澤四方百物是外小祭祀內小祀則宮中七祀等小喪紀謂王后以下之喪小會同謂諸侯遣臣來王使卿大夫與之行會同之禮小軍旅謂王不自行遣卿大夫征伐易氏祓曰此皆謂祝號之事

欽定四庫全書

欽定周官義疏
卷二十五

案小會同謂殷顛

喪祝掌大喪勸防之事

防扶方反

正義鄭氏康成曰勸猶倡率前引者

賈疏即下經御也謂執蘇居

匱路前却行左右車脚有防謂執披備傾戲賈疏使高下則以蘇詔告執披者不至傾戲司士作六軍之士執披故以執披解防案戲音虧傾側也

辨正賈氏公彥曰先鄭以勸防為引匱後鄭不從者

天子千人執六引在匱車前防謂披在匱車旁備傾

戲二者不得為一

及辟令啟辟音闢

正義鄭氏衆曰辟謂除敢塗槨也令啟謂喪祝主命

役人開之也賈疏天子七日殯殯時以槨敢塗其棺葬命役人開之檀弓天子

之殯也敢塗龍輅以槨毛氏應龍曰敢聚也殯時聚木蓋輅而塗之加斧

於槨上畢塗屋天子之禮也賈疏天子諸侯殯用輅車天子畫轅為龍先置

龍輅於西階之上又置四重棺於輅車之中大斂於昨階設奉尸入棺加蓋乃置熬於棺旁乃於槨構其

四面與棺平乃如斧以覆棺上更加之以槨材乃畢塗之如四面雷屋斧者案檀弓布幕衛綃幕魯布幕

諸侯法綃幕天子禮刺以黼文形如大斧

欽定四庫全書

欽定周官義疏
卷二十五

及朝御匱乃奠

朝直遙反匱古柩字

正義鄭氏康成曰鄭司農云朝謂將葬朝於祖考之

廟而後行則喪祝為御匱也檀弓喪之朝也順死者

之孝心也其哀雖其室也故至於祖考之廟而後行

殷朝而殯于祖周朝而遂葬賈疏殷人始死斂訖即殯於路寢葬時朝以匱朝廟而殯馬周人

廟先禩而後祖某謂乃奠謂朝廟奠賈氏公彥

曰御匱者發殯宮輅車載至廟喪祝執纛居前以御

按既夕禮朝廟之時重先奠從燭從匱從彼奠昨夜